

Schwanz sehr zugespizet vnd kurz / die Fäden daran getheilt / der Bauch ist weiß / der Ruggen vnd Leib gelbschwarz / ist durch vnd durch mit gelblechten Strimen marmolirt / hat vier kleine gelblechte Flossäderlin am Bauch / vnd eine hinder dem Gefährloch / so gesprenglet / wie auch die oben auff nechst bey dem Schwanz / vnd ist der Schwanz auch selbst gesprengelt / hat auch ein Linien über den ganzen Leib hinab auff jeder Seiten doch nicht sehr scheinbar.

Ich hab von alten Fischerey gehört / daß zu Zeiten vberaus grosse Hecht auff dem Wasser gesehen worden / welche wann man nahend an sie kommen / sich geschwungen / in die Tieffe gefahren vnd einen bösen Gestanck hinder ihnen gelassen / darauff mehrertheil sterben vnd Pestilenz erfolget / daß auch zu solchen sterbens Leuffen todine Hecht auff dem Wasser gefunden worden / welche Hörner oder Düffel auff dem Kopff gehabt vnd mutmassenlich an solcher Seuche verderben seyn müessen.

Der mehrertheil Scribenten sindt der Meinung / der Hecht wachse auß dem Leich / Eiern oder Kogen / wie auch ohne Eyer vnd von ihnen selber / wie die Schleyen / dann an Orthen / an welche man der Fischen keinen geworffen / werden sie gefangen als in etlichen Seen vnd Weyern / so das Weiblein leichten will / so ziehet es sich dem Wasser nach gegen dem Ursprung / weit von dem gewohnten Orth / damit die Jungen den Alten nit zum Raub werden. Bey vns sagt Geln. Leichten sie im Aprillen vnd verharzen auff zween Monat.

Daß auch die Aet von den Hechten generiert vnd geböhren werden / davon besitze die Beschreibung des Aelß. Die mittelmässige vnd kleinen Hecht / werden in der Speiß mehr gelobt dann die grossen / doch seynd bey vns / als ich achte / die Hechte der frischen claren Wasserren halber / vil besser dann in Italien vnd Frankreich.

Zu der Arzney / wirdt von dem Hecht gebraucht / die Gallen / die Riffbägen / auch die Bein in dem Kopff. Es sollen aber auch sonderlich die gebranten Zähn zu Puluer gemacht / guet seyn / vber die Schaden der Pferde vnder dem Sattel auffgetruckt / darüber gestrewet vnd mit einem Perzennment zugedeckt / daß solche von stundan heyl werden sollen.

Das